

Oficinanan di Gobierno

Prome cu 1951, tur "dienst", servicio di gobierno tabata cai bao di Gobierno Central (esta Curaçao). Nan tabata conoci como "landsdiensten".

E oficinanan di "landsdiensten" tabata wordo jama "landskantoren".

Rond di 1908 landsontvanger tabata situá den Fort Zoutman. Na 1911 e edificio dilanti kerki protestant a keda cla y a bira e "landskantoren" nobo.

E tempo ey un "dienst" tabata tin 1 of 2 empleado so, of sea 1 of 2 lessenaar. No tabata tin mester di hopi espacio.

E unico "landsgebouwen" di e temponan ey tabata:

- e commandeurshuis / commandement di ± 1820 cu tabata situá caminda awor ta Plaza Daniel Leo (lesa CHABALITO #3 - III) y cu a wordo bashá abao na año 1949,
- Willem III toren di 1868,
- Landsschool di 1888, situá den Wilheminastraat,
- Landskantoor di 1911, situá dilanti kerki protestant.

Tempo di Segunda Guera Mundial nan tabata tin mester lugar pa aloha e militarnan. Na año 1940 nan a construí e edificio, cu awor ta bestuurskantoor, pa aloha e schutternan. E hala band'i pa'bao (foto) a bira e lugar pa "onderofficieren". Esaki ta mas o menos na 1942. Nan a




Foto di e edificio unda a aloha e schutternan durante Segunda Guera Mundial.

consider'e un lugar ideal ya cu tabata tin un parti cu por sirbi como prison. Ademas pa diverticion tabata tin cerca teatro de Veer y Flaming Room, un restaurant. Esakinan tabata caminda awor ta Seaport Mall.

Despues di guera, na 1945, e edificio aki a bira bashi.

Nan a drech'é y el a bira "landskantoor" pa douane y landsontvanger. Aki mester a paga tur belasting, por ehempel:



Foto di e mesun edificio, pero awor cu un entrada renoba. Aki ta unda algun minister tin an oficina.

inkomsten-, grond-, winst-, y tambe ora bo haya un boet. Ademas, tur asunto di douane mester a regla aki.

Esaki a keda asina te na 1986, ora Aruba a haya Status Aparte. Awor nos no ta bai "landsontvanger" mas, pero un "Ontvanger van direkte belastingen" cu ta den e edificio halto na Paardenbaaistraat. E edificio di 1942 awor a haya un cara nobo y ta oficina di algun minister.

Fotos cortesía Archivo Historico
Nacional y Joricuba

ICH

habalito

Number 4 - Año III - December, 2000 - Afl. 2,=



•Sa mas di Bethlehem! •Cushina un kerstboom! • Nos Aruba! • Premio y mas premio! •